

神輿本經會通

神農本草經會通卷之九

禽部

鷺肪

白鴨屎

白鴨肉

鴨頭血

鴨卵

野鴨家鴨

丹雄鷄

雞頭

白雄鷄肉

烏雄雞

雞膽

雞心

雞血

雞肪

雞腸

雞肝

附翅毛

雞冠血

雞肫脰

裏黃皮

雞屎白

黑雌雞

雞翮羽

黃雌雞

雞肋骨


雞子

卵白

卵中白皮

白鵝膏

鵝毛



鵝肉

鷓鴣

鴈肪

雀卵

雀腦

雀頭血

雄雀屎

雀肉

鷺屎

伏翼

夜明砂

即伏翼屎

鷹屎白

雉肉

孔雀屎

鴟頭

鷓鴣

斑鶴

白鶴

烏鴉

練鵲

鳩鵲肉

雄鵲肉

鶴骨

鷓鴣屎

白鴿

博勞

鶉

啄木鳥

慈鴉

鴛鴦

魚狗

百舌鳥

杜鵑

神農本草經會通卷之九

禽部

鶩肪○野鴨爲鳧家鴨爲鶩。

味甘無毒○一云大寒。

本經云主風虛寒熱○別錄云鴨肪主水腫。

白鴨屎

本經云主殺石藥毒解結縛散蓄熱○孟詵云糞

主熱毒毒痢又取和雞子白封熱腫毒上消○日

華子云糞治熱毒瘡并腫以雞子調傅內消○食

療云。可搗蚯蚓吹瘡。

白鴨肉○綠頭者佳。

本經云。補虛除熱。和藏府。利水道。○陶云。黃雌鴨。爲補最勝。○別錄云。肉。主小兒驚癇。○孟詵云。白鴨肉。補虛。消毒熱。利水道。及小兒熱驚癇。頭生瘡。腫。又和蔥豉作汁飲之。去卒煩熱。

鴨頭血

味甘。氣溫平。無毒。○又云。治水腫之盛。○別錄云。血。主解諸毒。○又頭。主水腫。通利小便。古方療水。

用鴨頭丸。○日華子云。頭。治水腫。煮服。○心鏡云。治十種水病不差垂死。青頭鴨一隻。治如食法。細切和米。并五味。煮令極熟。作粥。空腹食之。

鴨卵 ○陶云。不可合鱉肉食之。○日華子云。卵。治心腹胃膈熱。多食發冷疾。○孟詵云。子。微寒。少食之。亦發氣。令背膊悶。○食療云。卵。鹽淹食之。卽宜人。

野鴨家鴨

蜀本云。野鴨小者名刀鴨。味最重。食之補虛。○孟

詵云野鴨主補中益氣消食。九月已後卽中食。全勝家者。雖寒不動氣。消十二種蟲。平胃氣。調中。輕身。又身上諸小熱瘡。多年不可者。但多食之。卽差。○日華子云。野鴨涼無毒。補虛助力。和胃氣。消食。治熱毒風。及惡瘡癩。殺腹藏一切蟲。九月後立春前採。大補益病人。不可與木耳胡桃同食。○又家鴨冷微毒。補虛消熱毒。利小腸。止驚癩。解丹毒。止痢。綠頭者佳。○孟詵云。黑鴨滑中。發冷痢。下脚氣。不可多食。

丹雄雞

味甘。氣微溫。微寒。無毒。○一云。有小毒。

本經云。主女人崩中漏下。赤白沃。補虛。溫中。止血。久傷乏瘡。通神。殺毒。辟不祥。○晝經云。雖有小毒。而補虛羸最要。故食治方中多用之。○食療云。鷄具五色者。食之致狂。六指玄雞。白頭雞。及雞死足爪不伸者。食並害人。雞兔同食。成洩痢。小兒五歲已下未斷乳者。勿與雞肉食。○丹溪云。風之爲病。

西北氣寒。爲風。故中人者。誠有之矣。東南氣溫。而

地多濕。有風病者。非風也。皆濕生痰。痰生熱。熱生風也。衍義云。謂雞動風者。習俗所移也。雞屬土。而有金與木火。性善補。故助濕中之火邪。得之爲有助。而病劇。非雞而已。與夫魚肉之類。皆能助病也。又云。雞屬巽。助肝火。○集云。有風人不宜食。又患骨熱者不可食。○雄雞烏者補中。赤者止血。黃脰脰。止遺尿。難禁。

雞頭

本經云。主殺鬼。東門上者尤良。○蜀本云。頭以丹

雄爲良。

白雄雞肉

味酸。氣微溫。○一云寒。

本經云。主下氣。療狂邪。安五藏。傷中。消渴。○日華

子云。調中。除邪。利小便。去丹毒。○唐本注云。白雞

距及腦。生產難。燒灰酒服之。腦主小兒驚癇。又云。

白雞寒。利小便。去丹毒風。

烏雄雞

微溫。

本經云。主補中。止痛。○孟詵云。主心痛。除心腹惡氣。又虛弱人。取一隻。治如食法。五味汁和內器中。封口。重湯中煮之。使骨肉相去。卽食之。甚補益。須空腸胞食之。肉須爛。生卽反損。○又刺在肉中不出。取尾二七枚。燒灰。以男子乳汁和封。瘡刺當出。○日華子云。溫。無毒。止肚痛。除風濕痺。補虛羸。安胎。治折傷并癰疽。生罽竹木刺不出者。○蜀本云。雞膽心肝腸肪胼脰及糞等。以烏雄爲良。○局云。雞有烏雄可補中。治崩止血。用丹雄。若將胘脰黃。

皮使洩利遺洩却有功。

雞膽

微寒。

本經云。主療目不明。肌瘡。○日華子云。烏雌雞膽。治眈目耳癢瘡。日三傳。

雞心

本經云。主五邪。

雞血

平

本經云。主踈折骨痛。及痿痺。○唐本注云。雄雞脅血。塗白癩風。瘰癧風。○孟詵云。又目淚出不止者。以三年冠血。傅目睛上。日三度。

雞肪

本經云。主耳聾。○藥性云。寒。

雞腸

本經云。主遺溺。小便數。不禁。○日華子云。烏雌雞腸。治遺尿。并小便多。

雞肝及左翅毛

本經云。起陰。○日華子云。烏雌雞翼。治小兒夜啼。
安席下。勿令母知。

雞冠血

本經云。主乳難。○孟詵云。用冠血。和天雄四分。桂
心二分。大陽粉四分。丸服之。益陽氣。○日華子云。
朱雄雞冠血。療白癩風。并傳風痛。○孟詵云。目淚
出不止者。以三年冠血。傅目睛上。日三度。○黑雌
雞血。無毒。主中惡腹痛。及踈折骨痛。乳難。

雞臍裏黃皮

微寒。○一云平。無毒。

本經云。主洩痢。小便利。遺溺。除熱止煩。○日華子云。諸雞胙脰平。無毒。止遺精。并尿血。崩中帶下。腸風瀉痢。此卽是肫肉黃皮。

雞屎白

微寒。

本經云。主消渴。傷寒寒熱。破石淋。及轉筋。利小便。止遺溺。滅癥痕。○日華子云。糞治白虎風。并傳風痛。○又云。烏雌雞糞治中風失音。痰逆消渴。破石

淋利小腸餘瀝。傳瘡。瘕滅癥痕。炒服。治小兒客忤。
蠱毒。○圖經云。仲景治轉筋入腹。脉微弦。雞屎白
散主之。

黑雌雞

味甘。○一云血平。

本經云。主風寒濕痺。五緩六急。安胎血。無毒。主中
惡腹痛。及踈折骨痛。乳難。○日華子云。温。無毒。安

心定志。除邪。辟惡氣。治血邪。破心中宿血。及治癰
疽。排膿。補新血。補產後虛羸。益色。○窠中草。治頭

瘡白禿。和白頭翁草。燒灰。猪脂傅。○孟詵云。新產婦。取一隻。理如食法。和五味炒熟香。卽投二升酒中。封口。經宿取飲之。令人肥白。華子云。益無毒。

雞翮羽

本經云。主下血閉。○蜀本云。翮以烏雌爲良。

黃雌雞

味酸甘。氣平。○一云。溫。無毒。

本經云。主傷中消渴。小便數不禁。腸澼。洩利。補益五臟。續絕傷。療勞。益氣。○孟詵云。主腹中水癖。水

腫。以一隻理如食法。和赤小豆一升同煮。候豆爛。卽出食之。其汁日二夜一。每服四合。補丈夫陽氣。治冷氣瘦着。牀者。漸漸食之。良。又先患骨熱者。不可食之。○日華子云。止勞劣。添髓補精。助陽氣。暖小腸。洩精。補水氣。○唐本注云。溫補益陽。

雞肋骨

本經云。主小兒羸瘦。食不生肌。

雞子

味甘。微寒。無毒。○一云平。

本經云。主除熱火瘡。癩瘻。可作虎魄神物。○孟詵云。雞子。動風氣。不可多食。又子醋煮熟。空腹食之。治久赤白痢。又云。產後血不止。以雞子三枚。醋半升。好酒二升。煎取一升。分兩服。徐緩進之。○唐本注云。雞子。益氣。多食令人有聲。一枚以濁水攪煮。兩沸。合水服之。○藥性論云。雞子液。味甘。微寒。無毒。治目赤痛。黃和常山末爲丸。竹葉煎湯下。治久瘡。治漆瘡。塗之。醋煮。治產後虛。及痢。主小兒發熱。煎服。主痢。除煩熱。鍊之。主嘔逆。○日華子云。雞子。

鎮心。安五藏。止驚。安胎。治懷妊天行熱疾狂走。男子陰囊濕痒。○日華子云。卵醋煮。治久痢。和光粉炒乾。主小兒疳痢。及婦人陰瘡。和豆淋酒服。治賊風麻痺。醋浸。令懷。傅疵疔。作酒。止產後血運。主暖水藏。縮小便。止耳鳴。和蠟炒。治疳痢。耳鳴。及耳聾。○黃炒。取油和粉。傅頭瘡。○殼。研磨。障腎。○圖經云。傳信方。亂髮雞子膏。主孩子熱瘡。雞子五枚。去白。取黃。亂髮如雞子許大。二味相和。於鐵銚子中。炭火熬。初甚乾。少頃卽髮焦。遂有液出。旋取置一

甕。碗中。以液盡爲度。取塗熱瘡上。卽以苦參末粉
之。○食療云。雞子。和蒜食。令人氣短。○蜀本云。凡
雞子及卵白等。以黃雌雞產者良。○湯云。雞子黃。
氣溫。味甘。○本草云。陰不足。補之以血。若咽有瘡。
雞子一枚。去黃。苦酒傾殼中。以半夏入苦酒中。取
殼置刀環上。熬微沸。去粗。旋旋呷之。又主除熱。火
瘡。癩。瘻。可作琥珀神物。黃。和恒山末爲丸。竹葉湯
服。治久瘡不差。黃。合鬚髮煎消爲水。療小兒驚熱
下痢。

卵白

微寒。

本經云。療目熱赤痛。除心下伏熱。止煩滿。欬逆。小兒下洩。婦人產難。胞衣不出。醢漬之一宿。療黃疸。破大煩熱。

卵中白皮

本經云。主久欬結氣。得麻黃紫苑和服之。立已。

白鵝膏

微寒。○一云。涼。無毒。

本經云。主耳卒聾。以灌之。

鵝毛

本經云。主射工水毒。○陶云。東川多溪毒。養鵝以辟之。毛羽亦佳。中射工者飲血。又以塗身。○唐本注云。鵝毛。主小兒驚癇。極者。又燒灰主噎。○陳藏器云。蒼鵝食虫。主射工。當以蒼者良。白鵝不食虫。主渴以白者勝。

鵝肉

一云。蒼鵝冷有毒。○一云。白鵝涼無毒。

本經云。平利五藏。○陳藏器云。鵝主消渴。取煮鵝
汁飲之。○孟詵云。脂可合面脂。○肉性冷。不可多
食。令人易霍亂。與服丹石人相宜。亦發痼疾。○日
華子云。蒼鵝冷。有毒。發瘡膿。○糞可傳蛇蟲咬毒。
舍中養。能辟蟲蛇。○白鵝涼。無毒。解五藏熱。止渴。
○脂潤皮膚。○尾鬣治聾耳及聾內之。亦療手足
皴。○子補中益氣。不可多食。○尾燒灰酒服下。治
噎。○食療云。卵溫補五藏。亦補中益氣。多發痼疾。
鷓鴣○不可與竹筍同食。令人小腹脹。

味甘。氣溫。無毒。

本經云。主嶺南野葛菌毒。生金毒。及溫瘴。久欲死。不可差者。合毛熬酒漬服之。生擣取汁服。最良。○孟詵云。能補五藏。益心力。聰明。○日華子云。微毒。療蠱氣瘴疾欲死者。酒服之。

鴈肪

味甘。氣平。無毒。

本經云。主風攣拘急偏枯。氣不通利。久服長毛髮。鬚眉。益氣。不飢。輕身耐老。○吳氏云。殺諸石藥毒。

○孟詵云鴈膏可合生髮膏仍治耳聾○骨灰和
泔洗頭長髮○日華子云涼無毒治風麻痺久服
助氣壯筋骨○脂和豆黃作丸補勞瘦肥白人○
其毛自落者小兒帶之療驚癇。

雀卵

味酸氣溫無毒。

本經云主下氣男子陰痿不起強之令熱多精有
子○陶云雀性利陰陽故卵亦然雀卵和天雄丸
服之令莖大不衰○局云雀卵強陰能有子肉溫

益氣食宜冬。白丁香卽爲雄糞。療目除瘕。更潰癰。
○瓦雀肉則益氣。卵則強陰。白丁香可潰癰。療目。

雀腦

平。

本經云。主耳聾。○孟詵云。腦塗凍瘡。

雀頭血

本經云。主雀盲。○陶云。人患黃昏。目無所見。爲之
雀盲。其頭血療之。

雄雀屎。○五月取之。良。兩頭尖者是。研如粉。煎甘草

湯浸一宿乾。任用。○名白丁香。○一名温。

本經云。療目痛。決癰癤。女子帶下。溺不利。除疝瘕。
○陶云。療齟齒。○別錄云。雀屎。和首生男子乳。如
薄泥。點目中。弩肉。赤脉貫瞳子上者。卽消。神効。以
蜜和丸飲服。主癥瘕。久疝冷病。或和少乾薑服之。
大肥悅。○陳藏器云。臘月收雀屎。俗呼爲青丹。主
疝瘕。諸塊。伏梁。和乾薑桂心艾等。爲丸。入腹能爛
疝瘕。患癰苦不潰。以一枚傅之。立決。○孟詵云。糞
和天雄乾薑爲丸。令陰強。

雀肉

温無毒。○日華子云雀肉壯陽益氣煖腰膝縮小便治血崩帶下。○孟詵云其肉十月已後正月已前食之續五臟不足氣助陰道益精髓不可停息。○陳藏器云雀肉起陽道食之令人有子。冬月者良。○陶云不可合李子食之亦忌合醬食之。姪身人尤禁之。

鷺屎○鷺有兩種紫胃輕小者是越鷺不入藥用。○胃斑黑聲大者是胡鷺其作窠喜長。人言有容一

疋絹者。令家富。○凡鷲肉不可食。亦不宜殺之。
味辛。氣平。有毒。

本經云。主蠱毒。鬼疰。逐不祥邪氣。破五癰。利小便。
○陶云。窠亦入藥用。與屎同。多以作湯洗浴。療小
兒驚邪。○別錄云。胡鷲卵。主水浮腫。肉出痔蟲。○
越鷲屎。亦療痔。殺蟲。去目翳。○陳藏器云。鷲屎。有
毒。主瘡。取方寸七。令患者發日。平日。和酒一升。攪
調。病人兩手捧碗當鼻。下承取氣。忌勿入口。毒人
○又主蠱毒。取屎三合。熬令香。獨頭蒜十枚。去皮。

和搗爲丸。服三丸。如梧桐子大。蠱當隨下而出。○
孟詵云。石鷲。在乳穴石洞中者。冬月採之。堪食。餘
者不中。只可治病。食如常法。取二十枚。投酒二升
中漬之。三日後。取飲。每夜服一二盞。隨性多少。甚
益氣力。○日華子云。石鷲。暖。無毒。壯陽。暖腰膝。添
精。補髓。益氣。潤皮膚。縮小便。禦風寒。嵐瘴。溫疫。氣
伏翼。○一名蝙蝠。○莧實。雲實。爲之使。生太山山谷
及人家屋間。立夏後採。陰乾。重一斤。色白如雪。集
則倒懸者佳。○取一斤。并雪白者亦稀。

味鹹。氣平。無毒。

本經云。主目瞑。痒痛。療淋。利水道。明目。夜視有精
光。久服令人喜樂。媚好無憂。○李氏云。食之。令人
肥健。長年。○陳藏器云。主蚊子。五月五日。取倒懸
者。晒乾。和桂薰陸香爲末。燒之。蚊子去。○又取血
滴目中。令人不睡。夜中見物。○日華子云。久服解
愁。○抱朴子云。蝙蝠色白如雪。集則倒懸。蓋腦重

也。得而陰乾。末服。令人壽千歲也。○局云。經名蝠

蝠。主淋家。治目昏。瞑黑暗。遮久服。忘憂。常快樂。消

疝用屎夜明沙。○伏翼能開黑暗青暝。常對樂背

屎名夜明砂。○李氏云。燒灰酒服方寸匕。主子死腹

中。○日華子云。炒服。治療瘰。雲集限何懸蓋淵重

鷹屎白。○臣也。不難。中見。○日華子云。入瓶。雞

平。○一云。微寒。有小毒。不熱。之。麝。干。去。○天。邪。血

本經云。主傷撻。滅癥。○陳藏器云。鷹肉食之。主邪

魅。野狐魅。觜及爪。主五痔。狐魅。燒爲末服之。○藥

性論云。主中惡。又頭燒灰。和米飲服之。治五痔。眼

睛和乳汁研之。夜三注眼中。三日見碧霄中物。忌

煙熏。

雉肉

味酸。氣微寒。無毒。○一云温。○一云平。微毒。○一

云有小毒。

本經云。主補中。益氣力。止洩痢。除蟻痿。○唐本注

云。主諸痿瘡。○孟詵云。山雞。主五臟氣喘。不得息

者。食之發五痔。和蕎麥麩食。生肥虫。○卵。不與葱

同食。○又野雞。久食令人瘦。九月至十二月食之。

稍有補。它月卽發五痔。及諸瘡疥。不與胡桃同食。

菌子木耳同食發五痔立下血。○日華子云有痼疾人不宜食。○啣經云江南有一種白而背有細黑文名曰白鵬亦堪畜養彼人食其肉亦雉之類也其餘不復用之。

孔雀屎

味鹹無毒。○一云微寒。○一云涼微毒。

本經云主女子帶下小便不利。○日華子云孔雀涼微毒解藥蠱毒。○血治毒藥等生飲良。○糞治崩中帶下及可傳惡瘡。○衍義云尾不可入目昏

翳人眼。

鴟頭○一名鳶。鴟鶚並相似而大。

味鹹氣平無毒。

本經云。主頭風眩顛倒癘疾。○食療云。頭燒灰。主頭風目眩。以飲服之。○肉食之。治癘癩疾。

鵯鵪

味甘氣平無毒。

本經云。治驚邪。食之。主短狐。可養。亦辟之。今短狐處多有。溪鵯五色。尾有毛如船柂。小於鴨。臨海異。

物志曰。溪鷺。水鳥。食短狐。在山澤中。無復毒氣也。

斑鶴○一名斑鳩。

味甘。氣平。無毒。

本經云。主明目。多食其肉。益氣。助陰陽。范方有斑
鶴丸。是處有之。春分則化爲黃褐侯。秋分則化爲
斑鶴。○又有青鶴。氣平。無毒。安五藏。助氣。虛損。排
膿。治血。并一切瘡癰。瘻。又名黃褐侯鳥。○衍義
云。久病虛損。人食之。補氣。有有斑。無斑。大小數色。
其用卽一也。

白鶴

味鹹氣平。有毒。

本經云。血主益氣力。補勞乏。去風益脈。肫中砂石子。摩服。治蠱毒邪。今鶴有玄。有黃。有白。有蒼。取其白者爲良。佗者次之。

烏鴉

氣平。無毒。

本經云。治瘦欬嗽。骨蒸。臘月者。瓦瓶泥煨燒爲灰。飲下。治小兒癩。及鬼魅目。睛注目中。通治目。○圖

經云。今人多用。而本經不著。古方有用其羽翅者。葛洪肘後方。療從高墮下。瘀血脹心。面青。短氣。用雄烏翅羽七枚。得右翅最良。燒末。酒服之。當吐血。便愈。近世方家。多用烏鴉之全者。以治急風。其法臘月。捕取翅羽。嘴足全者。泥缶固濟。大火燒燬。入藥。烏犀丸用之。

練鵲

味甘。氣溫平。無毒。

本經云。益氣。治風疾。冬春間取。細剉。炒令香。袋盛。

於酒中浸。每取酒溫服之。似鸚鵡。小黑褐色。食槐子者佳。

鳩鵒肉○鳥似鴉而有憤者是。

味甘。氣平。無毒。○一云寒。

本經云主五痔。止血。炙食。或爲散飲服之。○陳藏器云主吃取炙食之。小兒不過一枚。差也。臘月得者主老嗽。○日華子云治嗽及吃噫下氣。炙食之作妖可通靈。眼睛和乳點眼甚明。五月五日取子去舌端能効人言。

雄鵲肉。○鳥之雌雄難別。其翼左覆右是雄。右覆左是雌。○又燒毛作灰。內水中。沉者是雄。浮者雌。○味甘。氣寒。無毒。

本經云。主石淋。消結熱。可燒作灰。以石投中散解者。是雄也。○陳藏器云。雄鵲下石淋。燒作灰。淋取汁飲之。石卽下。○日華子云。雄鵲涼。主消渴疾。○巢多年者。療顛狂鬼魅。及蠱毒等。燒之。仍呼祟物名號。亦主瘰瘡。良。

鶴骨。○有兩種。似鶴而巢樹者。爲白鶴。黑色曲頸者。

爲烏鵲。○今宜用白者。

味甘無毒。○一云有小毒。○一云大寒。

本經云。主鬼蠱諸疰毒。五尸。心腹疾。○陳藏器云。鵲脚骨及觜。主喉痺。飛尸。蛇虺咬。及小兒閃癖。大腹痞滿。並煮汁服之。亦燒爲黑灰。飲服。有小毒。殺樹木。禿人毛髮。沐湯中。下少許。髮盡脫。亦便不生。人採巢取鵲子。六十里旱。能群飛。激雲雲散。雨歇。其巢中以泥爲池。含水滿池中。養魚及蛇。以哺其子。○藥性論云。鵲骨。大寒。亦可單用。治尸疰。鬼疰。

腹大。灸令黃。爲末。空心。暖酒服。方寸匕。

鷓鴣屎 ○ 一名蜀水花。

本經云。去面黑黥。壓誌。○ 頭微寒。主鯁及噎。燒服之。○ 藥性論云。鷓鴣鳥糞。有毒。能去面上黥。○ 日華子云。冷。微毒。療面癩疵。及湯火瘡痕。和脂油調傅。丁瘡。○ 晷經云。其屎多在山石上。紫色如花。就石上刮取用之。南人用治小兒疳。乾碾爲末。灸猪肉點與噉。有奇功。

白鴿 ○ 鳩類也。

味鹹。氣平。無毒。

本經云。肉主解諸藥毒。及人馬久患疥。○尿主馬疥。○鴿鳩類。翔集屋間。人患疥。食之立愈。馬患疥。入鬃尾者。取尿炒令黃。擣爲末。和草飼。又云。鴿鷓。暖無毒。調精。益氣。治惡瘡疥。并風瘙。解一切藥毒。病者食之。雖益人。緣恐食多。減藥力。白癩。瘰癧。風。炒酒服。傳驢馬疥瘡。亦可。

博勞。○卽百勞。

氣平。有毒。○毛主小兒繼病。繼病。母有娠。乳兒乳。

兒有病如瘡痢。他日亦相繼。腹大或差。或發。他人相近。亦能相繼。北人未識此病。懷妊者。取毛帶之。鷓○四月已前。未堪食。是蝦蟇化爲也。

本經云。補五臟。益中。續氣。實筋骨。耐寒溫。消結熱。小豆和生薑煮食之。止洩痢。酥煎。偏令人下焦肥。與猪肉同食之。令人生小黑子。又不可和菌子食之。令人發痔。

啄木鳥○有大。有小。有褐。有斑。斑者是雄。褐者是雌。穿木食蠹。

氣平。無毒。

本經云。主痔瘻。及牙齒疳。蠶蚘牙。燒爲末。內牙齒孔中。不過三數。○淮南子云。斲木愈齧。○姚大夫云。治瘻。有頭出膿水不止。以啄木一隻。燒灰。酒下二錢匕。

慈鴉○今謂之寒鴉。似烏而小。多羣飛。作鴉鴉聲者。是北土極多。不作膾臭也。

味酸鹹。氣平。無毒。

本經云。補勞。治瘦。助氣。止欬。嗽。骨蒸羸弱者。和五

味淹炙食之良。○食療云。主瘦病咳嗽。骨蒸者。可和五味淹炙食之良。其大鴉不中食。肉澀。只能治病。不宜常食也。以目睛汁。注眼中。則夜見鬼神。

鴛鴦

味鹹。氣平。小毒。

本經云。肉主諸瘦疥癬病。以酒浸炙。令熱。傅瘡上。冷更易。○食其肉。令人患大風。

魚狗。○今之翠鳥。

味鹹。氣平。無毒。○陳藏器云。主鯁。及魚骨入肉不

可出。痛甚者。燒令黑爲末。頓服之。煮取汁飲。亦佳。
百舌鳥

陳藏器云。主蟲咬。炙食之。亦主小兒久不語。又取其窠。及糞。塗蟲咬處。今之鶯。一名反舌也。

杜鵑

陳藏器云。初鳴。先聞者主離別。學其聲。令人吐血。於厠溷上聞者。不祥。獸之法。當爲狗聲。以應之。俗作此說。荆楚記亦云。有此言。楚詞云。鷓鴣鳴而草木不芳。人云。口出血。聲始止。故有嘔血之事也。

水不若人云只出血藥故主結在脾血之事也
針挑結喉發時亦云在此言發時云賦賦無而草
然國國主國香不無類之去當為時養以觀之谷
馬刺棘器云既無去間香主無限學其聲令人扣血
林國氣平小集

其案又糞空蟲如食今之當一谷又否世
刺棘器云主蟲如突食之亦庄小兒入不語又郊

百舌鳥

神農本草經會通卷之九

蟲末動則之貴類也